

開縣志

學校

蜀自文翁立學於前高眈宣化於後由是蜀士彬彬然始知嚮學已我

皇上右文稽古崇尚經術開雖僻隅其所以沐詩書禮樂之澤者至深且飶又豈僅媲美齊魯也哉作學校志第八

按周時魯哀公誅孔子曰尼父爲立廟舊宅置卒守焉後世立廟始此漢高帝十二年過魯以

開縣志

卷八

學校

一

太牢祀孔子詔諸侯王卿相至郡國先謁廟後從政自漢以來祀孔子始此魏齊王正始七年令太常釋奠後世釋奠始此宋元嘉十二年太子釋奠採晉故事舞八佾設軒懸之樂器用恣依上公後世釋奠用樂始此封公曰宣尼始於漢元始封王曰文宣始於唐開元至

國朝

章皇帝順治二年定諡大成至聖文宣王先師孔子十四年改諡至聖先師孔子通行直省各學

儒學在縣城內西街舊在縣東門外唐元和間刺史韋處厚建明嘉靖六年改建今所萬歷四十四年遷於盛山西明末圯

國朝康熙六年知縣盧天樞仍建今所吳譚之變復圯康熙二十四年知縣王景舜重建

殿廡門泮如制五十八年知縣郭孝穆增建坊祠後知縣胡邦盛易地增建明倫堂乾隆七年知縣秦有年擴建

崇聖祠二十七年教諭黃燦重修嘉慶十七年教諭劉

開縣志

卷八

學校

二

國輔增修咸豐二年合邑士民重修

至聖先師廟亥山已向中爲大成殿三間前爲露臺臺之左右爲尊經藏書之閣東西兩廡各五間前爲戟門門之前爲櫺星門櫺星門左右爲禮門義路坊又前爲泮池戟門之左爲名宦祠右爲鄉賢祠大成殿後爲

崇聖祠

學額

小學例進八名廩生二十名增生二十名二年一

貢逢酉科拔貢一名

書院

盛山書院舊名芙蕖書院在內城東門之外雍正十二年知縣沈震世捐建又捐置田地二處一坐落宋家嶺載糧一斗六升零一坐落鄭家壩載糧一斗三升零每年收租穀二十八石變價銀二十八兩以供修脯之用乾隆七年知縣秦有年砌以石路嘉慶十年知縣馬鳴鑾捐建奎閣增置學田嘉慶二十五年知縣徐久道移建盛山之麓改名

曰盛山書院所有舊載學田及新添學田舖房共十五處收租穀六十八石七斗課錢二百八十三千一百三十六文除解府城蓮峰書院膏火銀十七兩一錢餘作延師修脯生童膏火獎賞之需漢豐書院舊名開陽書院道光九年知縣孔昭焜以盛山書院學田歲有贏餘乃建開陽書院於城外南街道光十一年署知縣魏煜移置城外西街道光二十五年署知縣鄭安仁改名曰漢豐所有延師修脯生童膏火獎賞之需均在盛出學田內

支用

義學

臨江市義學一所嘉慶二十四年知縣白容華奉文勸設義學倡捐錢二十千有臨江市士民黃賓傅朝陞韋必售傅紹章羅於惠萬里鵬賀德蔭潘正道傅占魁潘廷碧等十人各捐錢二十千建立義學一所房屋器具齊全捐錢借放生息每年收息錢三十六千以作延師束修之用

道光四年續設義學

開縣志

卷八

學校

四

本城東街南街西街義學三處

大池山義學一所

塌坵壩義學一所

九龍山義學一所

活龍礮義學一所

四家壩義學一所

周家坡義學一所

馬家壩義學一所

馬渡壩義學一所

豐樂壩義學一所

白礮義學一所

溫塘井義學一所

鴉城寨義學一所

古跡廟義學一所

熊家灣義學一所

南門場義學一所

以上十八處署知縣高學濂勸士民捐設

道光六年改設義學

開縣志

卷八

學校

五

城東城隍廟內後院義學一所

城西川主廟廂房內義學一所

江里臨江市川主廟側義學一所

江里黃家坪護國菴內義學一所

江里法戒山卽大池山義學一所

江里竹溪鋪川主宮內義學一所

江里鐵鎖礮武廟內義學一所

江東二里交界之大旺山黃柏廟內義學一所

東里大峒壩東嶽廟內義學一所

東里溫塘井禹王宮內義學一所

東里榨井壩禹王宮內義學一所

東里長店坊玉皇閣內義學一所

浦里何家壩三星閣內義學一所

浦里岳溪塲北御都廟義學一所

以上義學十四處每年延師脩脯錢均五十千文
署知縣林丹雲設立林令倡捐錢二百千文勸捐
錢七千一百串零二共收錢七千三百串零內除
羅廷達係捐舖房基地折錢一百八十千文官買

開縣志

卷八

學校

六

西街舖房去價錢四百九十二千文餘錢六千一
百八十千文交各富戶生息每年共收租息錢七
百千文足敷十四學束脩之用尚剩錢一百三十
三千零撥入盛山書院生息以助膏火之費通詳
在案後將所存錢文盡置田地收租支用存案

附錄

文峰塔培俊堂

文峰塔在縣東五里嘉慶九年知縣符永培建夔
州府知府周景福記畧云開城之東南隅舊有白
塔爲一邑風水興廢之所係非徒供遊玩壯觀瞻

也自年久傾圮科名代歇甲子秋適梁山符曉明
令尹調署茲土邑人諄諄以重修請曉明遂捐廉
襄事計於是歲冬抄起工至乙丑秋葺事落成之
速盖若有神助云

培俊堂在縣西北盛山麓道光十九年知縣陳長
墉建捐置江巴潭火石梁傅家壩西雲礪金象坎
鳳凰石田地六處又鋪基一間每年收租穀一百
二十四石房租錢二十八串作爲士子鄉會試

朝考之費知縣陳長墉培俊堂碑記開縣僻處川東

開縣志

卷八

學校

七

山環水抱北有盛山巖飛之秀南有瑞賢毘盧之
雄開江遶其右清江出其左田土沃衍士習淳茂
一饒庶之區也予忝宰是邑已逾三年公餘之暇
月進諸生而課之相與論究經史講求實用積學
之士甚多見其所爲文雅正清真具有根柢間或
有爲雄放爲幽折者皆能因其性之所近以自成
其體其爲詩則摹擬古人不名一格此皆山川靈
秀之所聚鍾爲文人足以貢之
朝廷而備楨幹之選者也夫自古人才之多固由鼓

勵而出亦由觀感而興果其奮跡青雲發揚事業者衆則後進之士自能更加激勸勉爲有用之才乃三年大比此邑之與賓興者寥寥無幾予詢其故則云此地去省千有餘里長途修阻資斧不繼每當桂蕊香飄秋風迅厲多士雲集駿足奔馳頃刻之間鵬搏豹變不可方物而懷奇負異之士竟伏處蓬牖不獲及時與試其間西望錦城有於邑者夫使寒士屈處人才淹滯此則守土者之責也爰捐廉爲倡併集邑紳籌議俾各勸捐置產爲可

久計陳生有光者首先捐出傳家壩田地一契餘有力之家均踴躍樂輸計四閱月得錢五千五百餘緡商同邑紳耆買江巴河西雲礪二處田地每歲設齋長三人經理其事所得租穀除齋長辛力及幫會試朝考廷試經費外餘皆以爲賓興之資至建公所一處於盛山西麓名曰培俊堂蓋望人才輩出蒸蒸日上之意也雖然予倡舉是事又恐措置之未宜其能經理妥善詳定條款另碑列載歷久遠而無弊者則皆闔邑紳士并首士

等之力也首士爲誰扈子以旌吳子必華熊子天
福譚子人上徐子培深蔡子兆模也若夫因是舉
而世守勿替更爲擴充之光大之則以俟後之君
子